

Vom Ankhunfft

Gastaldo Herberg / gleicher ordnung wie wir heraus gezogen/
haimbgeritten vnd von dannen jedlicher in sein bewonung/oder
herberg.

DEn achten Junij/ist der Durchleuchtig Hochgebom Fürst
vnd Herz/Hertzog zu Bayrn ꝛ. sambt irer S. G. gemahel/vnnd
den Kayserlichen sechs Töchtern auff der Thonaw in diser Stat
ankhumen/inn wolgezierten Schiffen/Auch deren etliche /Zim-
sonderhait irer S. G. Schiff wie ain Haus schön gemalt / zue-
gericht vnnd gemacht gewesen/darzu ist jr S. G. mit vill Spil-
leuten/als Musici/Trumetter/Pfeiffer vnd Trummelschlager/in
summa gang Fürstlich vnnd auffo herlichist ankhumen / da hat
die Hochberüert Kunigklich Wirde zu Behaim ꝛ.vnd Erzhert-
zog Carl ꝛ. Alhie im Arcenal auff jr zuelkhunfft gewarttet/mit
sambt den hernach benenten Herrlichen Botschafften.

Remlichen der Erwirdig in Got / Vatter vnd Herr Stai-
nislav Hosiav/Bischoff zu Ermlandt der Babilichen haylig-
kheit / Botschafft.

Der wolgebom Herr / Don Claudio Fernandes de Qui-
ñones/ Graff zu Luna ꝛ. des grosmechtigsten vnd Catolischen
Künigs zu Hispanien ꝛ. Botschafft.

Der Hochwirdig in Got Vatter / vnd durchleuchtig Herz/
Herz Joan Brezerensky/von Gottes genaden Erzbischoffe zu
Gnesnens/Obrister Gubernator des Rünigreichs zu Poln.

Der Erwirdig in Gott Vatter / Herz Martinus Cromer-
rus beder Rechten Doctor / verwalter zu Wistien / Thuemherz
zu Cracouien / vnd Ermlandt / auch des Grosmechtigen vnd
Hochgebomen

Der F. G. B. Bayrn. VII

Hochgebornen Fürsten vnd Herrn Sigmundus Augustus / Könige zu Poln zc. Botschafft.

D Er wolgeborn vnd gestreng Herr / Jacob Xansso Ritter / der Hochberuembten Herrschafft zu Venedig Botschafft.

D Er wolgeborn vnd gestreng Herr / Herr Ludwig de Cortie Ritter des ordns Sant Joannis / der hochberümbten Hierosolymitanischer / Ritterschafft zu Malten Botschafft.

D Er wolgeborn vnd gestreng Herr / Laureng de Medicis / Ritter vom Heyligen Grab / Der durchlechtig vnd hochgebom Fürst / Cosimo de Medicis / Herzog von Florenz vnd Siena zc. Botschafft.

D Er wolgebom Herr / Graff Julius Xangom des durchleuchtigen vnd hochgebornen Fürsten vnd Herrn / Alfonso / Herzog zu Ferrara zc. Botschafft.

D Er wolgeborn vnd gestreng Herr / Hanibal Caprianus Ritter / Der durchlechtig vnd hochgebom Fürst vnd Herr / Wilhalm Gonzaga Herzog zu Mantua / Margraff zu Montferrat zc. Botschafft.

D Er Edl vnd Ernuest / Octavian de Negro der hochberuembten Herrschafft von Genua Botschafft / mit vill mer andern Botschafften / Gesandten vnd Adels Personen / Herrn Offitier / vnd andern leuten.

N Ach dem die Hochgenente Herrn vnd Botschafften im Arcenal gewart haben / So ist aber die Fürstliche Genaden